



# Horumarka Ilmahaaga

## Heerarka barashada ee sanad dugsiyeedka 2017-18

Washington waxay leedahay heerar barasho oo fasalka barbaarinta ilaa fasalka 12aad (K—12) kuwaasi oo qeexaya aqoonta iyo xirfadda arday kastaa u baahan yahay si uu ugu diyaargaroobo shaqada, kuuliyadda, iyo nololsha marka uu dhammaysto dugsiya sare.

Hoos waxa ku qoran tusaalayaal kooban oo kusaabsan ahdaafta barashada muhiimka ah ee Washington ee fasalka 12aad.  
Macluumaad dheeraad ah, booqo:

[www.YourChildsProgress.com](http://www.YourChildsProgress.com)

- **Fanka.** Fahmida sida jaasku ula xidhiidho dhaqanka; samaynta doorashooyin muusigeed; dabbaqidda aqoonta tiyaatarka la xidhiidha; iyo soosaarista qaab faneed.
- **Tiknoolajiyadda Waxbarasho.** Falanqeyaan khayraadka tiknoolajiyadda oo qiimeeyaan sida ay wax uga qaban karaan baahiyaha shaqada.
- **Fanka Luuqadda Ingiriisida (ELA).** Qiimaynta iyo caddaynta ka socota qoraal suugaaneed ama macluumaadeed si loo taageero falanqayn, milicsi, iyo cilmibaaris.
- **Waxbarashada Caafimaadka iyo Jimicsiga.** Soosaarista qorshe caafimaadka/waxbarashada jimicsiga oo shakhsi ahaaneed iyo xirfadaha aqoonta caafimaadka kuwaasi oo socon ilaa marka qofku weynaado.
- **Xisaabta.** Ardayda dugsiya sare sida caadiga ah waxay qaataan aljabra I, joomatari, iyo aljabra II. Waxay sawiraan ifafaale dhab ah, isbarbardhigaan fakshanis fudud iyo qaar kakan, waxayna wax ka bartaan isleekaanshaha, is-shabbaha, iyo simitri iyagoo adeegsanaya joomatari.
- **Sayniska.** Falanqeyaan loolamada adduunka ee waawayn iyo xalalka suurtoogalka ah; soosaaraan oo isticmaalaan maadooyin; qorsheeyaan oo saameeyaan baadhitaano; falanqeyaan xogta
- **Cilmiga Bulshada.** Daraasaan dowladaha hoose, gobolka, iyo federaalka, iyagoo baaraya dastuurada iyo heshiisyada gobolka iyo qaranka.

Washington sidoo kale waxay leedahay heerar barasho **qaabdhismeedyada iyo heerar qaybeedka Bey'adda iyo Waaritaanka la Isdhexgaliyey, Luuqadaha Adduunka, Waxbarashada Shaqada iyo Farsamada** (oo loogu talagalay dugsiya dhexe iyo dugsiya sare), **Fasiixnimada Luuqadda Ingiriisida** (ee ELA, xisaabta iyo sayniska), iyo sidoo kale tilmaamaha **HIV & Caafimaadka Galmada** iyo **Barashada Hore** (dhalashada—fasalka 3aad) kuwaasi oo kaaba waxbarasho si buuxda loo diyaariyey oo loogu talagalay ardayda oo dhan.

**Waxbarashada gaarka ah:** Ardayda hesha adeegyadu waxay helaan waafajino, qaab-geddisyo, iyo taageerooyinka lagu sheego qorshayaashooda waxbarashada shakhsi ahaaneed.

**Barayaasha luuqadda Ingiriisida:** Ardayda barata ku-hadalka Ingiriisida waxay leeyihiin heerarka fasiixnimada luuqadda oo ka caawiya macallimiinta inay qorsheeyaan waxbarista maaddooyinka oo dhan kuwaasi oo ku habboon heerka luuqadda arday kasta.

Sebteembar 2017, Lambarka Soosaarista 17-0034

# FASALKA

# 12

## Ahdaafta Barashada Gobolka Washington

Sharci-dejinta Gobolka Washington waxay aasaaseen afar hadaf oo barasho si loo taago aasaaska koboca dhammaan heerarka barashada tacliimeed ee gobolka:

1. U akhriska si faham leh, u qoris si wax-ku-ool ah, oo u gudbinta si meelmar ah adoo adeegsanaya qaabab kala duwan kuna sugan meelo kala duwan una jeeda dad kala duwan;
2. Barashada iyo dabbaqidda aragtida iyo mabaa'diida muhiimka ah ee xisaabta; bulshada, duleed, iyo nololeed cilmiyeedka; waddaniyadda iyo taariikhda, oo ay kujiraan dhaqamada kala duwan iyo kaqaybqaadashada matalaada dowladda; juqraafiga; fanka; iyo caafimaadka iyo dhisnaanta;
3. U fekerida qaab falanqayneed, caqligal ah, oo halabuur leh, iyo isdhexgalinta qorista iyo ku-fiicnaanta farsamada iyo sidoo kale waayo-aragnimada iyo aqoonta kala duwan si loo qaabeeyo go'aano macquul ah loona xalliyo dhibaatooyinka; iyo
4. Fahmida ahmiyadda shaqada iyo maalgalinta iyo sida hawlqabadka, dadaalka, iyo go'aannadu si toos ah ugu saameeyaan fursadaha shaqo iyo waxbarasho ee mustaqbalka.



Xafiiska Kormeeraha  
Waxbarashada Dadweynaha  
(Office of Superintendent of Public Instruction)  
[www.k12.wa.us](http://www.k12.wa.us)

# Imtixaanista Gobolka ee Washington

Sharciga federaalku wuxuu dhigaya in la imtixaano ardayda fasallada 3-8 sanad kasta marka dugsiga sarena laga qaado fanka luuqadda Ingiriisida (ELA) iyo xisaabta, iyo fasallada 5 iyo 8 iyo marka dugsiga sarena sayniska.

Inta badan ardayda dugsiga sare waxay galaan imtixaanada **Smarter Balanced** iyo imtixaanada **sayniska** si ay u buuxiyaan shuruudaha. Imtixaanadaan waxa dhici karta in lagu qaato ama aan lagu qaadan qalab, taagyeerooyin, ama waafajino.

Gobolka Washington sidoo kale wuxuu ka rabaa ardayda inay ka gudbaan imtixaano cayiman si ay u mudeystaan inay ka qalinjabiyaan dugsiga sare. Haddii ardaygu uu buuxin waayo heerka mid ama ka badan imtixaanada qalinjabinta loo baahan yahay, dib ayuu u gali karaa imtixaanka, ama wuxuu gali karaa beddelka gobolku ansixiyay.

Ardayda leh dhibaatooyin xagga garashada ah oo wayn oo ku diiwaangashan Barnaamijkooda Waxbarashada la Khaasyeelay (IEP) waxay galaan Washington – Access to Instruction and Measurement (**WA-AIM**) ee ELA, xisaabta iyo sayniska.

Imtixaanada gobolka qaado *marnaba* waa inaanu noqon waxa kaliya ee lagu go'aaminaayo xirfadaha iyo aqoonta tacliimeed ee ardayda. Haddii aad qabto su'aalo kusaabsan barashada ilmahaaga, fadlan la xidhiidh macallinka ama dugsiga ilmahaaga.

Ardayda barata ku-hadalka Ingiriisida ee fasallada barbaarinta ilaa 12 waxay gali doonaan Qiimaynta Fasiixnimada Luuqadda Ingiriisida ee Qarniga 21aad (**ELPA21**). Qiimayntani waxay cabirta xirfadaha luuqadda Ingiriisida iyo korriinka sanadkii ee akhriska, qorista, dhageysiga iyo hadalka. Ardayda keena heerka fasiixnimada ee Soo Koraya (Emerging) ama Horumaraya (Progressing) ELPA21 waxay u-qalmaan inay helaan adeegyada taageerada barnaamijka luuqadda Ingiriisida.

## Imtixaanada calaa Heer Fasal ee 2017-18

	3aad	4aad	5aad	6aad	7aad	8aad	9aad	10aad	11aad	12aad
ELA	✓	✓	✓	✓	✓	✓		✓	1	1
Xisaabta	✓	✓	✓	✓	✓	✓		✓	1	1
Sayniska			✓			✓			✓	

### Xusuus-qorrada:

- Daruuri ah oo kaliya haddii ardaygu aanu soo buuxin shuruudaha qalinjabinta qiimaynta gobolka.
  - ELA iyo xisaabta WA-AIM waxay raaci doonaan imtixaanka waxbarashada guud waxaana la qaadi doonaa fasalka 10aad. Sayniska WA-AIM wuxuu sii ahaan fasalka 11aad.
- Qiimaynta Fasiixnimada Luuqadda Ingiriisida waxay daruuri u tahay ardayda baranaya ku-hadalka Ingiriisida. Ardaydu waxay u galaan imtixaanka si ay ugu qalmaan helitaanka taageero. Waxay sii wadi in sanad kasta la imtixaano ilaa ay gaadhaan fasiixnimada luuqadda Ingiriisida.

## Fasalka 2018

### Imtixaanada la Rabo Qalinjabinta

(Dooro mid maadadiiba)

#### FANKA LUUQADDA INGIRIISIDA

- Imtixaanka ELA ee Smarter Balanced
- WA-AIM

#### XISAABTA

- Imtixaanka aljabra I ama Joomatari EOC
- Imtixaanka xisaabta ee Smarter Balanced
- WA-AIM

## Daaqadaha Imtixaanista Gobolka

Imtixaanista waxa la mudeeyaa waqtiyada hoos ku qoran gudahooda. La xidhiidh degmo dugsiyeedka deegaankaaga si aad u ogaato taariikhaha ilmahaagu imtixaanka gali doono.

### DAAQADAHА IMTIXAANISTA GOBOLKA

Febraayo ELPA21  
1– Maarso  
30:

Maarso Smarter Balanced  
5– Junyo 8:

OSPI waxay bixisaa warbixino buundo dhammaan imtixaanada sare ku qoran. La xidhiidh degmo dugsiyeedka deegaankaaga si aad u hesho macluumaad dheeraad ah.

## Maxay ka Dhigan Yihiin Dhibcaha Imtixaanka Gobolku?

Heerka **4** **Dhaafay Heerarka la Rabo:** Muujiyay horumar sare oo ku aaddan yeelashada aqoonta iyo xirfadaha maaddada.

Heerka **3** **Gaadhay Heerka la Rabo:** Muujiyay horumar ku aaddan yeelashada aqoonta iyo xirfadaha maaddada.

Heerka **2** **Ugu Dhawaan Gaadhay Halka la Rabo:** Waxa dhici karta inuu u baahan yahay kobcin dheeraad ah si uu u muujiyo aqoonta iyo xirfadaha maaddada.

Heerka **1** **Aan Gaadhin Heerka la Rabo:** U baahan wax la qabasho wayn si uu u muujiyo aqoonta iyo xirfadaha maaddada.